



Bosnia and Herzegovina  
Federation of Bosnia and Herzegovina

**CANTON SARAJEVO**  
Anti-Corruption Office

Broj: 20-04-39415-7/23  
Sarajevo, 05.03.2024. godine

Na osnovu člana 19. st. (1) i (2) i člana 23. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) Ured za borbu protiv korupcije Kantona Sarajevo donosi:

## **ODLUKU**

(1) Nakon provedenog postupka utvrđivanja postojanja sukoba interesa za Zeković Mirzu, Ured za borbu protiv korupcije Kantona Sarajevo utvrdio je postojanje sukoba interesa za imenovanog, jer isti obavlja dvije javne funkcije, i to javnu funkciju člana u Komisiji za javna priznanja i obilježavanje historijskih događaja i ličnosti u Općinskom vijeću Centar Sarajevo i javnu funkciju člana Školskog odbora u JU OŠ „Mehmed-beg Kapetanović Ljubušak“ Sarajevo, što predstavlja povredu člana 5. stav (1) Zakona o prevenciji i suzbijanju korupcije u Kantonu Sarajevo.

(2) Poziva se Zeković Mirza da podnese ostavku ili da na drugi način odstupi sa jedne nespojive javne funkcije navedene u tački (1) ove odluke, i to u roku od 30 dana od dana prijema ove odluke, te da o istom obavijesti Ured za borbu protiv korupcije Kantona Sarajevo.

## **O b r a z l o ž e n j e**

Ured za borbu protiv korupcije Kantona Sarajevo je nakon izvršenog uvida u Registar imenovanih lica Kantona Sarajevo i internet stranicu Općine Centar Sarajevo, 05.09.2023. godine, konstatovao da Zeković Mirza, istovremeno obavlja dvije javne funkcije, i to javnu funkciju člana u Komisiji za javna priznanja i obilježavanje historijskih događaja i ličnosti u Općinskom vijeću Centar Sarajevo i javnu funkciju člana Školskog odbora u JU OŠ „Mehmed-beg Kapetanović Ljubušak“ Sarajevo, što je u suprotnosti sa članom 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno.

Shodno članu 12. stav (1) Zakona o prevenciji i suzbijanju korupcije u Kantonu Sarajevo, Ured za borbu protiv korupcije Kantona Sarajevo je Rješenjem broj: 20-04-39415/23 od 05.09.2023. godine, pokrenuo postupak za utvrđivanje postojanja sukoba interesa za Zeković Mirzu. Predmetni postupak je pokrenut po službenoj dužnosti.

Ured za borbu protiv korupcije Kantona Sarajevo je aktom, Obavijest o pokretanju postupka za utvrđivanje postojanja sukoba interesa i zahtjev za pismeno izjašnjenje broj: 20-04-39415-1/23 od 05.09.2023. godine, a shodno članu 16. stav (1) Zakona o prevenciji i suzbijanju korupcije u Kantonu Sarajevo, obavijestio imenovanog o pokrenutom postupku za utvrđivanje postojanja sukoba interesa, i zatražio pismeno izjašnjenje na navode iz ove obavijesti.

Kako do 27.10.2023. godine Ured za borbu protiv korupcije Kantona Sarajevo nije zaprimio dostavnicu o prijemu navedenih akata, dostavio je Zahtjev za dostavu informacija Stručnoj službi za zajedničke poslove Kantona Sarajevo u čijoj nadležnosti je zajednička pisarnica Kantonalnih organa (u nastavku teksta: zajednička pisarnica) tražeći informaciju o postupanju ove službe vezano za navedene akte. Povratnu informaciju Ured je zaprimio 31.10.2023. godinu u kojoj navodi da je akte prosljedila JP BH Pošta i da su zatražili hitno izjašnjenje o statusu dostave.

Dana 22.11.2023. godine zajednička pisarnica je obavijestila Ured da još nije zaprimila izjašnjenje JP BH Pošta d.o.o. Sarajevo o statusu dostave predmetnih akata od 05.09.2023. godine.

Nadalje, Ured je 22.11.2023. godine obavijestio imenovanog o prethodno navedenom, Informacijom broj: 20-04-39415/23 od 22.11.2023. godine, uz koju je kao prilog dostavio Rješenje o pokretanju postupka utvrđivanja postojanja sukoba interesa, broj: 20-04-39415/23 od 05.09.2023. godine i Obavijest o pokretanju postupka utvrđivanja postojanja sukoba interesa i zahtjev za pismeno izjašnjenje, broj: 20-04-39415-1/23 od 05.09.2023. godine.

Do dana sačinjavanja ove odluke, imenovani nije dostavio Uredu za borbu protiv korupcije Kantona Sarajevo izjašnjenje na navode iz Obavijesti o pokretanju postupka za utvrđivanje postojanja sukoba interesa i zahtjeva za pismeno izjašnjenje.

U cilju pravilnog odlučivanja u predmetnom slučaju, Ured za borbu protiv korupcije Kantona Sarajevo je uputio Zahtjev za dostavljanje informacije i dokaza, broj: 20-04-39415-3/23 od 30.01.2024. godine, Općinskom vijeću Centar, i to u pogledu dostavljanja informacije o trenutnim članovima Komisije za javna priznanja i obilježavanje historijskih događaja i ličnosti u Općinskom vijeću Centar, kao i kopiju akta koji reguliše predmetno imenovanje.

Također, Ured za borbu protiv korupcije Kantona Sarajevo je uputio Zahtjev za dostavljanje informacije i dokaza, broj: 20-04-39415-4/23 od 30.01.2024. godine, JU OŠ „Mehmed-beg Kapetanović Ljubušak“, i to u pogledu dostavljanja informacije ko su trenutni članovi Školskog odbora JU OŠ “Mehmed-beg Kapetanović Ljubušak“, kao i kopiju akta koji reguliše predmetno imenovanje.

Dana 12.02.2024. godine Ured je zaprimio akt JU OŠ „Mehmed-beg Kapetanović Ljubušak“ u kojem, između ostalog, navode da je predstavnik radnika Zeković Mirza trenutni član Školskog odbora JU OŠ “Mehmed-beg Kapetanović Ljubušak“. U prilogu akta su dostavili i Rješenje o imenovanju predsjednika i članova Školskog odbora Javne ustanove Osnovna škola „Mehmed-beg Kapetanović Ljubušak“, broj: 02-04-725-18.11/22 od 13.01.2022. godine **kojim je Vlada Kantona Sarajevo, imenovala Zeković Mirzu** za člana Školskog odbora JU OŠ “Mehmed-beg Kapetanović Ljubušak“.

Dana 16.02.2024. godine Ured je zaprimio informaciju Općinskog vijeća Centar broj: 01-04-11/24 od 09.02.2024. godine u kojoj, između ostalog, navode da je Zeković Mirza trenutni član Komisije za javna priznanja i obilježavanje historijskih događaja i ličnosti u Općinskom vijeću Centar. U prilogu informacije dostavili su Odluku o izboru članova radnih tijela Općinskog vijeća Centar Sarajevo, broj: 01-03-37/21 od 04.03.2021. godine **kojim je Općinsko vijeće Centar Sarajevo imenovalo Zeković Mirzu** za člana Komisije za javna priznanja i obilježavanje historijskih događaja i ličnosti.

Imajući u vidu navedene zakonske odredbe, kao i član 2., stav (1), tačka c), koji propisuje da se nosiocima javne funkcije smatraju, između ostalih i druga lica koja su izabrana ili imenovana ili je za njihov izbor ili imeñovanje data saglasnost od strane Skupštine, Gradskog vijeća Grada Sarajeva, **općinskog vijeća, Vlade**, Gradonačelnika ili načelnika, te činjenicu da imenovani istovremeno obavlja dvije javne funkcije, i to javnu funkciju člana u Komisiji za javna priznanja i obilježavanje historijskih događaja i ličnosti u Općinskom vijeću Centar Sarajevo i javnu funkciju člana Školskog odbora u JU OŠ „Mehmed-beg Kapetanović Ljubušak“ Sarajevo, što predstavlja povredu odredaba člana 5. stav (1) Zakona o prevenciji i suzbijanju korupcije u Kantonu Sarajevo, Ured za borbu protiv korupcije Kantona Sarajevo je utvrdio postojanje sukoba interesa za Zeković Mirzu.

Nosilac javnih funkcija, Zeković Mirza, dužan je u roku od 30 dana od dana prijema ove odluke, podnijeti ostavku ili da na drugi način odstupi sa jedne nespojive javne funkcije koje istovremeno obavlja i o tome pismeno obavijestiti Ured za borbu protiv korupcije Kantona Sarajevo.

Shodno navedenom, Ured za borbu protiv korupcije Kantona Sarajevo je u skladu sa članom 19. st. (1) i (2) Zakona o prevenciji i suzbijanju korupcije u Kantonu Sarajevo odlučio kao u dispozitivu ove odluke.

Ova odluka stupa na snagu danom donošenja i obavezujuća je za nosioca javnih funkcija.

**Pouka o pravnom lijeku:** Ova odluka je konačna i protiv iste nosilac javnih funkcija može pokrenuti upravni spor.



Dostaviti:

1. Imenovanom (Mirza Zeković, Dejzina Bikića 113. 71 000 Sarajevo),
2. Za objavu na internet stranici Ureda za borbu protiv korupcije Kantona Sarajevo,
3. a/a.